

Op no Bethlehem

Drej Häere us em Orient,
su steet em Nöie Tästamänt ¹,
bejoefe sich als Karawaan
no Bethlehem en Kanaan.
Die send de Menschheet och bekank
als Könnege us-em Morjelank.
Se wollte do vür alle Denge
e nöjebore Jöngsje fenge.

Fü op dä lange Wäesch bejm Jönn
de rischtije Rischtong enzeschlönn ²,
benötz-de-ne se van doheem
e eeje Navijiersystem.
Et zejsch-den dänne ene Stäe ³
dr Wanderwäesch bes no Judäa.
Wat hü met Satellite jeet,
dat joef et domoqls jo nauch net.

Dauch met ene Stäe klapp dat mä naats.
Daachsöve heesch dat also, dats
du kee Singnaal vam Hemmel kriß,
weil du am Daach keen Stäere siß;
wodüresch sich janZ va sälefs versteet,
dat dat System ene Noqdeel ⁴ hät.

Dat Navijiere wor dröm määßisch
on net besongesch zoverlässisch.
Och wor et längs net usjerief,
wat die Jenauschkeet betriff.
Su lande statt en Bethlehem
ze-iesch se en Jerusalem.

¹ Matth. 2,1-12 ² einzuschlagen ³ Stern ⁴ Nachteil

Dō wor als Könneḡ, wie se hüere,
at lang Herodes am rejiere.
On weil se daate, dat dat joot eß,
befroddene ¹ se dä Herodes,
oḡ-e van ene Könneḡsjong
jenaueres wahl wesse doong.
Dauch van en könneḡklich Jeburt
hoḡt dä kee Woḡt bes jetz jehuḡt.
Herodes also woß van nüüß,
berischtet os dä Evangliß ².

Dōbej wör en genau Adräß
su nötzlich fü die Drej jewäß.
Jetz moote Käspe on Jenosse ³
sisch wiggere op dä Stäḡ verlosse.
On iḡsch am säkste Januaa
dō koḡme se bejm Kreppsche aa,
wäswäje dat Drejkönneḡsfäß
bes hü ene huure Fiḡdaach eß.

Natürlisch hoḡdde och die Drej
Jeschänke fü dat Kenk dōbej.
A Wejhrooch hoḡdde se jedaat
on Jold on Myrrhe metjebraat.
Dauch oḡhne pengelisch ⁴ ze sen:
ḡsu-jet fellt mä Mannslüü en!

Dänn dat wor jō net onbedenk
jrad passend für e Weckelkenk!
Schwoḡ ⁵ vürzeställe, wat met Jold
dat Jesuskengsche maache sollt.
Et joḡ jō net ens en Matratz
als mööschliche Tresor-Ersatz,
fü wennḡstens für-e paa Wääsche
dat Jold dōdronge ze verstääsche.

¹ befragten ² der Evangelist (Matthäus) ³ Kaspar, Melchior und
Balthasar ⁴ hier: pedantisch ⁵ schwer

Em Stall dō roch et net mä ärmlisch,
dō stonk et sujaa jöttserbärlisch.
Däm könnt me jedefalls bejääne,
endäm me Wejhrooch döong¹ verbränne.
Jedauch sälefs Wejhrooch-Qualēm wüd ävve
dä Stalljeroch net janz behävve ...

Me darf et sesche he ens wõöre²,
sisch uszemõõle on ze frõõre:
Wat wör jewäß, wänn statt die Häere
drej Fraulüü opjebrauche wöre,
drej Könnejinne suzesaare,
fü en dä Stall »Jrööß Jött« ze saare?

Vür alle Denge wöre Fraue
bestreeb jewäß, sisch mi ze zaue.
Die hõdde, angesch wie die Häere,
berooftisch nüüß ze donn met Stäere.
Se hõdde schnurstracks va dõhem
sisch düreschjefrõõch³ bes Bethlehem,
damet se onbedenk jeschwend
bejzikke⁴ bej Maria send.

Dann hõdde se ze-iesch jeweiß
dä Stall ens rischtisch usjemeß⁵
on Oeß⁶ on Äsel och deräk
nõ drusse op de We⁷ jescheck.
»Woröm«, han se sisch wahl jedaat,
»hät Josef dat net längß jemaat?«

Och bej de Uswahl van Jeschänke
dont Fraue emme praktisch danke.
Anstatt met Wejhrooch, Jold on Myrre
dat ärm Maria ze verwirre,
verschänke se jäe jet, wat dann
en jong Famelēs⁸ och bruche kann:

¹ täte ² wagen ⁵ durchgefragt ⁴ beizeiten ⁵ ausgemistet
⁶ Ochse ⁷ Wiese ⁸ Familie

Jet füze Drenke, füze Eiße
on Weckeldöösch net ze verjeiße.
E wölle Mötschje, hankjestreck,
fü wänn et en dä Stall ens treck.
E schön Stöck Seef, Penatecream -
Dat hött jepass für Bethlehem!

Wie he jedanklich aajenomme,
su eß-et nu ens net jekomme.
Et wor, wie dä Matthäus schrief.
Och wämme dat mä schwoę bejrief.
Die Könneęe, wie me se nännt,
die wore sujet net jewännt,
on han sisch, wat e beßje stüet ¹,
jet onbehölepe opjeführt.

Om Röckwäesch wore die drej Häere
net aajewese op die Stäre.
Och joonge desmoql net die Drej
nauch bej Herodes mi vöbej.
Em Droom hött medde en de Naat
ene Ängel leis a se jesaat,
Herodes hött nüüß Joots em Senn.
Dröm joonge se nõ däm net hen.
Se joęfe sisch va Bethlehem
us om deräkte Wäesch nõheem.

Su steet et wennestens jeschrevve –

Bej os em Rheinland deet me ävve
sisch at jöttweeßwielang verzälle,
die Drej beföönge ² sisch en Kölle!
Wie die bes dọ jekomme sen,
steet nirjens en de Bibel dren.

¹ stört ² befänden